

# LAWATAN RASMI JENERAL TARNCHAIYAN SRISUWAN DI KEMENTERIAN PERTAHANAN

[airforce.mil.my/berita/acara-rasmi/2748-lawatan-rasmi-jeneral-tarnchaiyan-srisuwan-di-kementerian-pertahanan](http://airforce.mil.my/berita/acara-rasmi/2748-lawatan-rasmi-jeneral-tarnchaiyan-srisuwan-di-kementerian-pertahanan)

KUALA LUMPUR, 7 Dis 17 – Panglima Angkatan Tentera Diraja Thailand, Jeneral Tarnchaiyan Srisuwan telah mengadakan lawatan sulungnya di Kementerian Pertahanan semenjak menjawat jawatan tertinggi di dalam Angkatan Tentera Diraja Thai.

Dalam lawatan ini, Jeneral Tarnchaiyan Srisuwan telah diberi penghormatan memeriksa Kawalan Kehormatan Utama serta diperkenalkan kepada Pegawai-Pegawai Kanan ATM yang berkhidmat di Kementerian Pertahanan.

Turut hadir menyambut kedatangan Jeneral Tarnchaiyan Srisuwan adalah Panglima Tentera Udara, YBhg Jeneral Tan Sri Hj Affendi bin Buang TUDM serta Panglima-panglima Perkhidmatan yang lain.

Jeneral Tarnchaiyan Srisuwan turut melaksanakan kunjungan hormat ke atas Panglima Angkatan Tentera Malaysia, Yang Mulia Jeneral Tan Sri Raja Mohamed Affandi bin Raja Mohamed Noor. Pertemuan dua hala ini dapat mengeratkan lagi kerjasama dari segi diplomatik pertahanan di antara dua Negara.

